



Isalathiso: 20190308-2640  
Inombolo yefayili: 3/3/2/4/4  
Imibuzo: IZiko leeFoni

ISetyhula: 0017/2019  
Umhla wokuphelelwa: Awukho

Iya: KumaSekela Balawuli-Jikelele, kuBalawuli abaziiNtloko, kuBalawuli, kumaSekela-Balawuli, kuBaphathi beeSekethe, kwiiNtloko zamaziko emfundo nakwimibutho yeemanyano zabasebenzi

Isishwankathelo esifutshane: *Le setyhula yazisa inkqubo yokwahlukaniswa kwentlawulo yesibonelelo sezezindlu kubalingane (spouses) abaqeshwe nguRhulumente babaqeshwa bakaRhulumente.*

**ISIHLOKO: LE SETYHULA YAZISA INKQUBO YOKWAHLUKANISWA KWENTLAWULO YESIBONELELO SEZEZINDLU KUBALINGANE (SPOUSES) ABAQESHWE NGURHULUMENTE BABAQESHWABAKARHULUMENTE**

**1. Intshayelelo**

1.1 ISigqibo 1 sango-2018 seBhunga loThetha-thethwano neMibutho yaBasebenzi beNkonzo kaRhulumente (*Public Service Coordinating Bargaining Council (PSCBC)*), somhla we-08 Juni 2018, siyakuvuma ukwahlukaniswa kwesibonelelo sezezindlu apho bobabini abalingane bengabaqeshwa bakaRhulumente.

**2. Ukuphunyezwa**

2.1 Abalingane abaqeshwe nguRhulumente abakumanqanaba omvuzo 1 ukuya ku-5 baya kufaneleka ukuba bafumane isibonelelo sezezindlu ukususela nge-01 Septemba 2018.

2.2 Abalingane abaqeshwe nguRhulumente abakumanqanaba omvuzo 6 ukuya ku-12 baya kufaneleka ukuba bafumane isibonelelo sezezindlu ukususela nge-01 Septemba 2019.

2.3 Makuqatshelwe ukuba kuphela ngabo baqeshwa be-*Occupational Specific Dispensation (OSD)* nabamanqanaba omvuzo 11 no-12 abangayifumaniyo iphakeji ephelileyo yomvuzo wengqesho (**total cost to company package**), abakufaneleyo ukufumana intlawulo yesibonelelo sezezindlu.

**3. Iikhrayitheriya zokufaneleka**

3.1 ISebe leNkonzo kaRhulumente noLawulo (Department of *Public Service and Administration (DPSA)*) lingqinile nge-10 Julayi 2018 ukuba, kusasebenza iSigqibo

sezeZindlu (*Housing Determination*) eyakhutshwa ngowe-10 Oktobha 2012 ngokumalunga neekhrayitheriya zokufaneleka. Abaqeshwa mabaqaphele ezi mfuno zimiselweyo zilandelayo:

- 3.1.1 Igama lomqeshwa malivele kwisiqinisekiso sobunini-mzi.
- 3.1.2 Imvumelwano yengqeshiso mayibe segameni lomqeshwa.
- 3.1.3 Isatifikethi i-*Permission to Occupy (PTO) certificate* masibe segameni lomqeshwa.
- 3.1.4 Igama lomlingane malivele kwisatifikethi i-*PTO certificate*.
- 3.1.5 Makungeniswe ingxelo efungelweyo (*sworn affidavit*) yaye mayichaze ukuba umqeshwa nomlingane wakhe kunye/okanye nabantwana abaxhomekeke kuye bahlala kule ndlu.

3.2 Iimfuno ezimiselweyo ezizezona zisezantsi zesatifikethi se-*PTO certificate* zezi zilandelayo:

- 3.2.1 Isatifikethi i-*PTO certificate* masibe kwiletahedi okanye masibethwe isitampu, esichaza igunya lezolawulo lalo nqila.
- 3.2.2 Isignitsha, igama elipheleleyo nefani yalowo unegunya lezolawulo lenqila malivele kwisatifikethi se-*PTO*.
- 3.2.3 Ikopi eqinisekisiweyo yesazisi (*ID*) somqeshwa onikwe imvume yokwakha ikhaya kwisiza esabelwe oko.
- 3.2.4 Isatifikethi i-*PTO certificate* masibonise ngokucacileyo inxenye yomhlaba /yesabelo somhlaba, yomhlaba owandisiweyo, yecandelo lomhlaba nesithili okuso.

#### 4. Iimfuno zokufumana isibonelelo sezezindlu

4.1 Ngokwegatya 4.1.4 leSigqibo 7 se-PSCBC sango-2015 **kunyanzelekile ukuba bonke abaqeshwa babhalise kwi-Government Employees Housing Scheme (GEHS) xa ngaba banqwenela ukusebenzisa iinkonzo zayo ezibonelelwa siskim seGEHS**, kuqukwa kodwa kungaphelelwanga kwisibonelelo sezezindlu.

4.2 Abaqeshwa bangabhalisa besebenzisa enye yezi ndlela zilandelayo:

- 4.2.1 Kwiziko lewebhu apha: [www.gehs.gov.za](http://www.gehs.gov.za)
- 4.2.2 Ngokufonela kwiziko leeFoni loBhaliso (*Enrolment Call Centre*) apha: 0861 12 34 34.
- 4.2.3 Ngokuqhagamshelana neCandelo laMalungelo aVela kwiNkonzo

4.3 Ukwenzela ukufaneleka kwintlawulo yesibonelelo sezezindlu, abaqeshwa mabazalise yaye bangenise ifom yokwenza isicelo eyi-*Government Employees Housing Allowance application form*.

4.4 Umqeshwa uya kuqalisa ukufumana isibonelelo sezezindlu ukususela kulo nyanga ebefake ngayo ifom yesicelo ye-*GEHS* ezaliswe ngokupheleleyo kunye namaxwebhu axhasayo njengoko kucacisiwe kwifom yesicelo.

5. Kucelwa wazise okukule setyhula bonke abaqeshwa abachaphazelekayo ukuze bakuthathele ingqalelo.

**ISAYINWE:** NGU-BK SCHREUDER

**INTLOKO: YESEBE LEMFUNDO**

**UMHLA:** 2019-04-08